

Donaziuns da la Fundaziun dal dr. Stephan à Porta

Principis per dumondas da contribuziun

Dr. Stephan à Porta ha fixà i'l documaint da sia fundaziun cha l'actuala fracziun da Ftan (anterior cumün da Ftan) survegna üna donaziun dal resultat annual da la fundaziun. proFtan ha surgni l'incumbenza da impuonder quists mezs a favur da Ftan e da seis abitants. La donaziun da la Fundaziun dr. Stephan à Porta ha importà d'ürant ils ultims ons 70'000 francs svizzer per on.

La suprastanza da la proFtan ha tut in sia sezzüda dals 9 da gün 2020 la seguainta decisiun.

Proceder

Dumondas per contribuziuns our da las donaziuns da la Fundaziun dal dr. Stephan à Porta pon gnir fattas duos jadas l'on, adüna fin la fin da gün e fin la fin da december. La suprastanza infuorma ils petents fin la fin da favrer respectiv fin la fin dad avuost davart sia decisiun e davart il termin dal pajamaint.

La gruppa dals petents es averta (societats, instituziuns, singulas persunas). I nu fa dabsögn dad esser commember da proFtan. Dumondas da contribuziun per listess scopo as poja far da princip minch'on.

La suprastanza decida in definitiva davart las dumondas entradas; da far recuors cunter las decisiuns davart las attribuziuns nun es pussibel.

La suprastanza da proFtan po iniziar agens progets.

Scha'ls mezs disponibels nu vegnan scumpartits ün on, vain il vanz miss sün ün conto da fondo; quist es reservà per attribuziuns futuras. La suprastanza po, culs mezs na contribuits, accumular ün saldo da chascha per progets aperiodics plü gronds; quist nu dess surpassar l'import da 100'000 francs svizzers.

Pretaisas invers las dumondas

Las dumondas singulas (ingünas dumondas collectivas) ston gnir inoltradas in scrit al president o a la presidenta da proFtan:

proFtan
7551 Ftan

obain per e-mail a: info@pro-ftan.ch

Las dumondas han dad accumulir las sequaintas pretaisas formalas:

- Cuorta descripziun dal proget e da l'actività (ulteriura documainta explicativa po gnir agiunta);
- Contribuziun giavüscheda e (scha quai es il cas) cumprova da la finanziaziun restanta;
- Suottascripziun dal petent / da la petenta respectiv dal organ directiv;
- Indicaziun dal conto dal petent / da la petenta, sül qual la contribuziun dess gnir pajada (vagl da pajamaint).

Criteria dad attribuziun

Per la decisiun schi vain aderi ad üna dumonda da contribuziun valan ils sequaints criteris:

- Cul intent chi vain sustgnü finanziaimaing stuvesa dar ün nüz direct ed immediat per Ftan respectiv pels abitants da Ftan. I vegnan promovüdas pustüt tuot las activitats chi contribuischan ad üna vita da cumün activa (tanter oter activitats culturalas, socialas, sportivas e tradiziuns). Scha la qualificaziun correspuonda vegnan sustgnüdas tant las sortidas currentas sco eir las investiziuns.
- Progets turistics pon gnir co-finanziats scha la premissa da basa da survart es accumulida.
- Incumbenzas da dret public dal Chantun respectiv dal cumün nu vegnan sustgnüdas. Progets chi nu pertoccan be incumbenzas da dret public e chi vegnan sustgnüts dal cumün respectiv dal Chantun pon gnir co-finanziats.